

**JAVNA USTANOVA**  
**DOM ZDRAVLJA BREZA**

Na osnovu člana 8, Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije BiH“ br. 12/03,34/03 i 65/13), člana 66. Zakona o zdravstvenoj zaštiti „Službene novine Federacije BiH“ br. 46/10 i 75/13), člana 34. Statuta Javne ustanove Dom zdravlja Breza, Pravilnika o uslovima u pogledu vrste završenog fakulteta zdravstvenog usmjerenja koje moraju ispuniti osobe koje konkuriraju za direktora zdravstvene ustanove („Službene novine Federacije BiH“ broj: 77/17), i Odluke Upravnog odbora JU Doma zdravlja Breza broj: 01-697/2022 od 10.05.2022 godine, Upravni odbor Javne ustanove Dom zdravlja Breza raspisuje:

**K O N K U R S**  
**ZA IZBOR I IMENOVANJE DIREKTORA**  
**JU DOM ZDRAVLJA BREZA**

**I Opis poslova:**

- organizuje i vodi poslovanje Doma zdravlja,
- predstavlja zastupa Dom zdravlja prema trećim licima,
- odgovoran je za zakonitost rada Doma zdravlja,
- podnosi Upravnom odboru pisani izvještaj o cjelokupnom poslovanju Doma zdravlja jednom tromjesečno,
- izvršava odluke, zaključke, smjerice i uputstva Upravnog odbora,
- odlučuje u prvom stepenu o pravima, obavezama i odgovornostima zaposlenika iz radnog odnosa,
- podnosi Upravnom odboru pisani izvještaj o finansijskom poslovanju Doma zdravlja,
- predlaže Upravnom odboru donošenje sistematizacije poslova, općih akata, plana rada i razvoja Doma zdravlja,
- učestvuje u radu Upravnog odbora Doma zdravlja bez prava odlučivanja,
- obavlja i ostale poslove definisane Zakonom i Statutom Ustanove.

**II Mandat:**

Direktor J.U. Dom zdravlja Breza se imenuje na mandat u trajanju od 4 godine.

**III Opći uslovi:**

- da je državljanin BiH,
- da je stariji od 18 godina, a ne stariji od 65 godina,
- da nije osuđivan za krivična djela, te da se protiv njega ne vodi krivični postupak,
- da nije otpušten iz državne službe kao rezultat disciplinske mjere po bilo kojoj osnovi u BiH u periodu od tri godine prije dana objave upražnjenog položaja,
- da se na njega ne odnosi član IX.1. Ustava BiH,

- da nije na funkciji u političkoj stranci,
- da nemaju smetnji u smislu Zakona o sukobu interesa u organima vlasti u FBiH („Službene novine Federacije BiH“ br.70/08)
- da ne postoji zakonska zabrana za imenovanje na funkciju rukovođenja.

#### **IV. Posebni uslovi:**

1. da ima završen medicinski, stomatološki, odnosno farmaceutski fakultet ili farmaceutsko biohemijski fakultet,
2. da posjeduje znanje o zdravstvenom menadžmentu koje dokazuje certifikatima o obavljenoj edukaciji iz zdravstvenog menadžmenta i to sva tri nivoa edukacije u skladu sa propisima o kontinuiranoj profesionalnoj edukaciji iz zdravstvenog menadžmenta odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta,
3. da ima najmanje 5 godina radnog staža u struci,
4. da nema privatni/finansijski interes u Ustanovi u kojoj se kandiduje,
5. da nije osuđivan za privredni prijestup nespojiv s dužnošću u Ustanovi,
6. da posjeduje organizatorske sposobnosti,

#### **V. Potrebna dokumentacija:**

Uz prijavu kandidata, koja teba da sadrži i kraću biografiju, adresu i kontakt telefon, potrebno je priložiti i slijedeću dokumentaciju:

- uvjerenje o državljanstvu,
- izvod iz matične knjige rođenih,
- uvjerenje o nekažnjavanju (akt izdat od strane nadležnog organa unutrašnjih poslova ne starije od 3 mjeseca),
- uvjerenje da se protiv kandidata ne vodi krivični postupak (akt izdat od strane nadležnog suda – ne starije od 3 mjeseca),
- uvjerenje da nije osuđivan za privredni prijestup nespojiv sa dužnošću u Ustanovi (akt izdat od strane nadležnog suda – ne starije od 3 mjeseca)
- kopija diplome,
- uvjerenje o radnom iskustvu i dužini radnog iskustva nakon završene VSS,
- certifikat o obavljenoj edukaciji iz zdravstvenog menadžmenta i to sva tri nivoa u skladu sa propisima o kontinuiranoj profesionalnoj edukaciji iz zdravstvenog menadžmenta odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta,
- izjava kandidata potpisana i ovjerena od strane nadležnog organa o ispunjavanju opštih uslova iz tačke: 4, 5, 6, 7 i 8.

Dokumenti koji se traže moraju biti original ili ovjerene kopije.

## VI Podnošenje prijava:

Konkurs ostaje otvoren 15 dana od dana objave u „Službenim novinama Federacije BiH“ , dnevnom listu „Oslobođenje“, Web stranici općine Breza , Web stranici JU Doma zdravlja Breza i Oglasnoj ploči JU Doma zdravlja Breza, računajući od dana posljednjeg objavljivanja.

Prijave s potrebnim dokazima i o ispunjavanju uslova iz konkursa u zatvorenoj koverti dostaviti na adresu: JU Dom zdravlja Breza , Šehidska br. 12. 71370 Breza sa naznakom „ Komisija za izbor i imenovanje direktora – ne otvarati “ .

Neblagovremene i nepotpune prijave neće se razmatrati.

Rezultat konkursa, odnosno odluka o imenovanju direktora, će biti dostavljena svim učesnicima konkursa u roku od 8 dana od dana njenog donošenja.

v.d. Predsjednik Upravnog odbora

*dr. Mirza Ahmedspahić*

dr. Mirza Ahmedspahić

